

南
漢
紀

吳蘭修
撰

中
華
書
局

25398

叢書集成初編

錦里耆舊傳（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

南漢紀

此據嶺南遺書本
排印初編各叢書
僅有此本

唐之末造。亂賊竊擅。隨地蠶浦。大抵莫正於北漢。莫強於南唐。莫狡於吳越。餘皆瑣細不足數。而莫穢於南漢。劉氏建國。非有恩德要結斯民也。非有奇功偉略震動一時也。其臣盡庸鶩。雖文學士避地廣南者多有。徒文詞相矜爲夸美而已。龔、鉞、繼跡。奢僭逾滋。淫刑無藝。奄人之禍。亙古所無。救此一方。宋祖以之興歎。牲牢視民。歐陽所爲深尤也。地僻朝陋。私史闕如。宋人紀載。則有新舊五代史、九國志、隆平集、東都事略。皆隨所聞見。不能賅備。彼此乖舛。靡所折衷。國朝吳志、伊十國春秋。則又徒爲稗販。都無別擇。治絲而棼。抑又甚焉。吾友石華博士。自以桑梓之邦。數典宜噩。乃博綜諸家。尋其條貫。鎔裁就理。識鑒居宗。義必深嚴。事求翔實。勒成五卷。體雖約少。亦荀袁兩漢之儔矣。爲附錄考異。注其下。以期囊括無遺。卮當不漏。別爲地理志。以補諸家之遺舛。爲金石志。以搜當時之軼聞。皆詳而有體。核而不華。夫珍裘以集腋而成。大廈以羣材合構。雖財用資於都料。而良苦辨於國能。徒以博聚爲工。孟浪勦說。虛張卷軸。罔別乖濫。則亦何關典則。奚取重儷。至乃因文成格。無所抒其跌宕之辭。述事省煩。不足見其恢奇之美。是則劉子元所云言媿者。史亦拙。事美者。書亦工。時無奇卓。人乏英雄。區區碌碌。抑惟恆理者也。其爲之也。十年乃成。其成之也。諸家可廢。於心彌苦。於義抑甘。兆洛曩在番禺。與聞商榷。今觀殺青。曠若發矇矣。道光十五年十一月。武進李兆洛序。

右南漢紀五卷。國朝嘉應吳蘭脩石華撰。按亡友吳君石華。嘉慶戊辰舉人。官信宜訓導。工倚聲。著有荔材吟草。桐華閣詞。構書集於粵秀講院。藏書數萬卷。枕經菲史。自云。喚作詞人。死不暇日。竭十年精力。以成是書。考南漢紀事之書。惟胡賓王劉氏興亡錄最古。賓王。曲江人。二十七松堂集。所稱關係國家治亂興亡。制作諸大典。故今不傳。豈不尤爲可惜者也。廣州人物傳。稱僭國皆有纂錄。獨嶺南缺焉。惟胡賓王。胡元興。二家纂錄皆不詳。周克明。南海人。訪耆舊。採碑誌。孜孜著撰。裁成十數卷。書未成而卒。胡元興。不知何許人。克明書本未成。其不傳宜矣。至如近人劉應麟南漢春秋十三卷。阮通志已著錄。而義例未諳。等之自鄧無譏可耳。是書攬拾獨富。考覈尤精。每條必註出典。以矯吳志伊十國春秋之失。爲附錄考異於各條之下。見搜羅之已遍。決擇之特嚴。正史紀傳。或遜其詳明簡當。而奚論於霸史也。李申耆序稱。唐之末造。亂賊竊擅。莫正於北漢。莫強於南唐。莫狡於吳越。而莫穢於南漢。竊謂是書實爲十國紀事之書之冠。僞劉何幸得此於廣文哉。道光庚戌中伏後。南海伍崇曜謹跋。

南漢紀卷一

清 嘉應吳蘭修石華撰

烈宗紀

烈宗、姓劉名隱。路振九國志其先蔡州上蔡人。

王禹偁東都事略劉鎮傳。宋史南漢世家同。〔考異〕唐書劉知謙傳云。壽州上蔡人。蘭修按唐書地理志。上蔡屬蔡州。隸河南道。下蔡屬壽州。隸淮南道。傳誤也。薛居

正五代史。册府元龜。並云彭城人。蓋稱族望耳。

祖安仁。

歐陽修五代史。南漢世家。司馬光資治通鑑。馬端臨文獻通考。王象之輿地紀勝同。〔考異〕薛史。册府元龜。宋史。並作仁安。

仕唐爲潮州長史。因家嶺表。

薛史。劉陟傳。册府元龜。二百一十九同。〔考異〕東都事略。隆平集。宋史。並作潮州刺史。歐史。通考。上蔡人。後徙閩中。商賈南海。因家焉。五國故事。上蔡人。徙閩之仙遊。復遷番禺。因家焉。輿地紀勝。泉州下引清源志云。劉王墓在南安縣地名劉店。馬舖之西。卽廣州僞漢劉翼之祖葬於此。吳任臣十國春秋。上蔡人。後徙閩中。家泉州之馬舖。死遂葬焉。諸說互異。

父謙、字德光。

劉恕十國紀年。〔考異〕唐書本傳作劉知謙。韋丹傳作劉謙。蘭修按十國紀年云。劉謙字德光。亦名知謙。後止名謙。諸書皆作劉謙。是也。唐書

兩傳。不應互異。

素有才識。咸通中。宰相韋宙出鎮南海。謙時爲牙校。職級甚卑。

薛史。劉陟傳。〔考異〕唐書。劉知謙傳作清海。牙將。蘭修按唐書方鎮表。乾寧二年。始賜清海。

軍額。傳誤也。

宙以兄女妻之。衆謂不可。

〔考異〕薛史云。宙妻以非其類。堅止之。孫光憲北夢瑣言云。其內以非我族類。慮招物議。風幕僚諫止之。

宙曰。若人狀貌非常。吾以子

孫託之。(考異) 闕修按唐書章丹傳以此為章岫語。岫由之弟也。兩傳不應互異。又按東都事略云章由以其兄之子葉安仁之子生謙讓生隱上生字當是誤衍與諸書不合。乾符六年黃巢自嶺表北還。

湖、湘間羣盜蟻結。唐書劉知謙傳。(考異) 闕修按唐書通鑑皆作乾符六年事。歐史作乾符五年誤也。謙擊之屢有功。(考異) 唐書云知謙因據封州今不從。中和三年六月辛

丑授封州刺史。通鑑兼賀水鎮使。以遏梧、桂。謙撫納流亡。(考異) 原書作知謙今改從本書通例。愛畜用度。養士卒。未幾得精兵萬

人。多具戰艦。境內肅然。久之疾病。召諸子曰。今五嶺盜賊方興。吾有精甲犀械。爾勉建功。時哉不可失也。

唐書劉知謙傳。乾寧元年冬謙卒。通鑑共推其子隱為嗣。唐書劉知謙傳。大濤一統志。劉謙墓在封州縣北十里劉王岡。隱即韋氏女所生也。幼而奇特。

薛史劉陟傳。及居喪於賀江。(胡三省注) 賀水源出賀州富川縣石龍至州城合桂嶺水謂之賀江。士民百餘人謀亂。隱一夕盡誅之。嶺南節度使劉崇龜

召補右都押牙。(考異) 薛史册府元龜作右都校。兼賀水鎮使。未幾表為封州刺史。通鑑用法清肅。威望頗振。薛史劉陟傳。册府元龜二百二十三同。

二年七月。以薛王知柔為清海節度使。(胡三省注) 是年賜額南節度使軍額曰清海。同平章事。仍權京兆尹。俟反正日赴鎮。三年

十二月。薛王知柔行至湖南。廣州牙將盧瑊、譚宏圻。(考異) 唐書通考有盧瑊無譚宏圻。薛史。册府元龜。九國志作譚宏。去上一字避宋宣祖諱也。歐史作瑋圻。據境拒

之使宏玘守端州。宏玘結隱，許妻以女。隱僞許之，託言親迎，伏甲舟中，夜入端州，斬宏玘，遂襲廣州，斬瑒。

〔胡三省注〕按九域志，自封州東南，歷康州界而後至端州，自端州東至廣州二百四十里。

具軍容迎知柔入視事。

通鑑。知柔至深德之，辟爲行軍司馬，委以兵賦。

薛史劉陟傳，册府元龜二百二十三同。

光化元年十二月，韶州刺史曾袞舉兵攻廣州，州將王瓌

〔考異〕十國春秋作王懷。

帥戰艦爲應。隱一

戰破之。韶州將劉潼復據潯、浚。

〔胡三省注〕潯、浚，當在韶州潯昌縣界。或曰，劉潼據潯陽、浚滙二縣之間。

隱討斬之。三年九月乙巳。

〔考異〕舊唐書徐彥若傳，作二年九月。

以徐彥若同平章事，充清海節度使。

通鑑。〔附錄〕〔通鑑〕崔滂以太保門下侍郎同平章事，徐彥若位在已上。惡之，彥若亦自求引去。時藩鎮皆爲曠臣所據，惟嗣薛王知柔在廣州，乃求代之。

表隱

爲節度副使。

宋史南漢世家。

天復元年十二月，彥若薨，遺表薦隱權爾後。

〔附錄〕〔宋史南漢世家〕彥若卒，遺表薦隱自代，昭宗不從。〔考異〕唐書，隱自稱留後。歐史通考，

軍中推隱爲留後。

二年，虔州刺史盧光稠攻嶺南，陷韶州。

〔胡三省注〕韶、虔二州相去雖六百餘里，特以大庾嶺爲阻，而實鄰境也。〔通鑑考異〕新紀是歲光稠卒，牙將李嗣自稱知州事。按十國紀年，

歐史光稠傳，開平五年方卒，新紀誤也。

使其子延昌守之。

通鑑。〔考異〕九國志作天復三年事。

又遣其弟光睦攻潮州。

〔考異〕九國志作光牧。

光睦好勇而輕進，

譚全播戒其持重，不聽。度其必敗，乃爲奇兵伏其歸路。光睦果敗走，潮人追之，全播以伏兵邀擊，大敗之。

歐史盧光稠傳，錦綉萬花谷前集十五同。擒其首將鄭康，遂從光睦圍潮州。九國志譚全播傳。隱發兵擊走之，乘勝進攻韶州。隱弟巖以為

延昌有虔州之援，未可遽取。隱不從，遂圍韶州。會江漲，餽運不繼。（胡三省注）自廣州運糧以餽韶州行營，當泝流而上，江漲則水湍急，不可以泝。餽運由此不繼。

光稠自虔州引兵救之。通鑑。隱與戰屢敗。九國志蘇章傳（附錄）（九國志）蘇章封州人，少事隱為牙將，性忠敢有勇力，從征譚玘、盧瑒，有功。薛王奏署衙內馬步軍都指揮使，從隱討盧延昌於韶州。隱

率舟師出雙石，會天大霧，昏暝如夜，詔人四出，以鐵纜繫巨鈎投隱艦中，士卒驚擾，章引弓射殺數人，以巨斧擊鈎，鈎皆斷折，纜不能施。詔人乃退，翼日進逼其城，城上望樓中有人罵隱，言頗褻詆，隱怒甚，不敢視。左右章伏舵樓中，引弓射罵者，應聲而斃。舟中皆鼓譟，時江水暴漲，自清遠峽以北，湍瀨尤惡，糧運不繼。會光稠自虔州擁兵來援，隱與戰屢敗，乃班師。詔人以兵襲我後，遂舍舟而徒，士卒不成列，隱馬驚，章以所乘馬援隱，因徒行為後殿。詔人不敢逼，以功遷封州刺史，充左右街使。乃令巖以兵數萬

攻虔州。光稠大懼，謂全播曰：「虔、韶皆公取之。」（考異）本作虔，潮據九國志改正。今日非公不能守也。全播曰：「吾知劉巖易與

爾，乃選精兵萬人，伏山谷中，陽治戰地於城南，告巖戰期，以老弱五千出戰。戰酣，僞北，巖急追之，伏兵發，

巖遂大敗。歐史盧光稠傳。單騎遁免。九國志譚全播傳（考異）闕條按唐書劉知謙傳，九國志譚全播傳，並與歐史合，今從之。通鑑以城南之敗為韶州，無攻虔州事，誤也。又按唐書云：隱攻虔州，九國志云：隱與歐史攻虔州，與歐史小異。

天祐元年正月己亥，以崔遠為中書侍郎同平章事。劉昫舊唐書昭宗紀（考異）初徐彥若臨薨，表隱為兩

唐書宰相表作正月乙巳。

使爾後。昭宗未許。命宰相崔遠爲節度使。遠行及江陵。開嶺表多盜。懼隱違詔。遲爾不進。會遠復入相。薛史

劉陟傳。册府元龜二百二十三同。(考異)。闕修按彦若。堯於天復元年十二月。命遠爲節度使。當在二年。今併載於此。始詔隱權節度。爾後。唐書劉知謙傳。(考異)。闕修按薛史。劉陟傳云。會遠復入相。乃詔以隱爲留後。據新

舊唐書。遠復相在天祐元年正月。與劉知謙傳天祐初。始詔隱權留後。正合。今從之。隱進佛香國。訶陵國。羅越國。所貢香藥。册府元龜。一二年冬。隱以重賂結

朱全忠。乃奏以隱爲清海節度使。尋加同平章事。通鑑。(考異)。歐史隱爲節度。在天祐二年。不著月日。薛史。册府元龜。並云。隱爲留後。久未即真。及梁祖爲元帥。隱遣使持重賂以求保薦。

梁祖即表其事。遂降旛節。闕修按朱全忠爲元帥。在天祐二年十月朔。奏隱爲節度使。當在是冬之末矣。通鑑爲節度使。在元年之末。即同平章事。在二年三月。與兩史不合。今並移入。又按舊唐書。昭宗紀。天祐二年三月乙未。制新除清海軍節度使。獨孤。賜一子八品正

員官。五月壬申。制新除靜海軍節度使。兼安南都護。獨孤。損。責授棧州刺史。足證是時劉隱尙未授清海節度使也。梁太祖開平元年。天祐四年。四月。收元。三月。唐遣使奉册寶如梁。四月。梁

王全忠更名晃。稱皇帝。趙師澗通鑑綱目。戊辰。大赦。改元。國號梁。歐史。梁太祖紀。五月己卯。通鑑。加隱檢校太尉兼侍中。封大

彭郡王。薛史。劉陟傳。册府元龜二百二十三同。(考異)。薛史。册府元龜。不紀月日。通鑑云。五月己卯。加清海節度使。劉隱兼侍中。爲大彭王。不稱檢校太尉。今兩著之。十國春秋云。初隱廢上書勸進。至是以機數功。加檢校太尉兼侍中。封大彭王。未知何據。

(附錄)。(胡三省通鑑注)。自宋武帝以彭城之裔。興於江南。後多以彭城之劉爲名族。劉隱封大彭王。意蓋取此。陳用拙勸隱仍奉天祐年號。隱是其言而不能。遂以用

拙掌書記攝觀察推官。

黃佐嘉靖廣東通志。〔附錄〕〔嘉靖廣東通志〕陳拙，字用拙，以字顯。連州人。唐天祐元年擢進士第。授著作郎。見朱溫弒逆，遂假使節南歸，加清海軍節度使。劉隱同平章事，隱遂留用之。〔考異〕十國春秋作觀。

春秋作觀。是月，改潘州茂名縣為越裳縣。

〔考異〕王溥五代會要作茂明，蓋聲近之誤。

隱進奇寶名藥。十月，獻助軍錢二十萬。又進龍

腦腰帶珍珠枕瑋香藥等。十一月，進龍形通犀腰帶金托裏合棧玳瑁器百餘副，香藥珍巧甚多。

薛史梁太祖紀。

冊府元龜一百九十七同。

又獲白鹿，並圖形獻之。耳有兩缺。

薛史梁太祖紀。冊府元龜二百二同。〔附錄〕〔薛史梁太祖紀〕接符瑞圖鹿鬚千歲變白耳一缺，今驗此鹿耳有二缺，其獸與色皆應金行。實表

嘉瑞。〔考異〕十國春秋以隱獻白鹿為乾化元年事，誤也。

二年九月，楚王馬殷遣步軍都指揮使呂師周將兵侵嶺南，與隱十餘戰，陷昭

賀、梧、蒙、龔、富、六州。

〔考異〕歐史楚世家云：馬殷遣呂師周率兵攻嶺南，取昭、賀、梧、蒙、龔、富等州。殷表師周昭州刺史，與通鑑合。九國志呂師周傳云：率兵攻韶、賀、梧、蒙、龔、富等州，與劉隱十餘戰而克之。奏授韶州刺史，嗣修按秦州早屬湖南，韶

州尚為處廷昌所據，與隱無涉。韶當作韶，象當作蒙，皆傳寫之誤。

十月辛酉，以隱為清海、靜海、節度使。

〔胡三省注〕兼交、廣、二鎮也。然劉氏終不能有安南。〔考異〕歐史開平二年兼靜海軍節度安南都護。

薛史。冊府元龜兼安南都護，在加檢校太師之後。

以膳部郎中趙光裔、右補闕李殷衡充官告使，隱皆留之。

通鑑。〔胡三省注〕二史言羣雄對據，各收拾衣冠之習以爲用。

〔考異〕舊唐書趙隱傳：季逃廢立之後，光裔旅遊江表，以避患，嶺南劉隱深禮之，奏爲副使，因家嶺外，與通鑑不合。

三年正月，郊禋禮畢，加隱檢校太師兼中書令。

薛史劉隱傳。冊府元龜二

百二十三同。〔考異〕歐史事在三年。不著月日。今據薛史繫於正月。十國春秋。加中書令在乾化元年。誤也。
四月甲寅。封南平王。薛史梁太祖紀。〔考異〕通鑑作四月庚子。四年四月。進封隱爲

南海王。五代會要。〔考異〕蘭修按宋史云。開平初。封南海王。無封大彭。南平事。東都事略。通考。隱平集。並云。開平初。封南平王。無封大彭。南海事。通鑑開平元年五月。封大彭王。三年四月。封南平王。無封南海事。册府元龜。開平初。封大彭王。梁祖郊禮禮畢。

進封南海王。無封南平事。歐史開平三年。封南平王。乾化元年。封南海王。五代會要。開平三年四月。封南平王。四年四月。封南海王。俱無封大彭事。惟九國志。開平元年。封大彭王。三年。改封南平王。四年。進封南海王。三者備載。今從之。又按薛史。梁太祖紀。與劉陟傳。異紀云。

開平三年四月甲寅。封南平王。傳云。開平初。封大彭郡王。梁祖郊禮禮畢。加檢校太師。象中書令。又命兼領安南都護。充清海靜海兩軍節度使。進封南海王。殆詳略互見與。七月。隱貢犀玉及舶上薔薇水。薛史梁太祖紀。

册府元龜一。百九十七同。黃巢之寇嶺南也。龐巨昭爲容管觀察使。〔考異〕薛史作龐巨源。唐書劉建鋒傳。曹衍湖湘故事。並作巨昭。劉昌魯爲高州刺史。帥羣

蠻據險以拒之。巢衆不敢入境。唐嘉其功。置寧遠軍於容州。以巨昭爲節度使。〔胡三省注〕按通鑑。唐昭宗乾寧四年。從擊遠軍於容州。以李克

用大將蓋寓領節度使。考之新書。方鎮表。容州置節鎮。亦在是年。龐巨昭建節。當在是年之後。以昌魯爲高州防禦使。及隱據嶺南。二州不從。隱遣弟巖攻高州。昌

魯大破之。又攻容州。亦不克。〔考異〕十國春秋作二月事。昌魯自度終非隱敵。是歲致書請自歸於楚。楚王殷大喜。遣橫

州刺史姚彥章將兵迎之。彥章至容州。裨將莫彥昭說巨昭曰。湖南兵遠來疲乏。宜撤儲備棄城。潛於山

谷以待之。彼必入城。我以全軍掩之。彼外無繼援。可擒也。巨昭曰。馬氏方興。今雖勝之。後將何如。不若具

牛酒迎之。彥昭不從。巨昭殺之。舉州迎降。彥章進至高州。

（初三省注）九城志。容州東南至高州二百八十二里。

以兵援送巨昭。昌魯

之族及士卒千餘人歸長沙。楚王殷以彥章知容州事。以昌魯爲永順節度副使。

通鑑（附錄）（湖湘故事）天復末甲子十有二月。

容南龐巨曠深慮廣南劉巖不道。加害於已。遂差小吏間路密持書款歸於馬氏。是時湖南遣澧州刺史姚彥章領馬步軍八千徑往容南。巨曠遂帥萬餘衆歸於馬氏。又高州防禦使劉昌魯以廣南先主劉巖欲并吞嶺外。數召昌魯欲籍沒其家族。昌魯知之。乃刺車寫書投馬氏。具述懇急。湖南遂遣捉生指揮使張可求部轄兵馬於界首應接。一行三千餘口。歸於馬氏。九國志龐巨昭傳。巨昭唐末爲容州觀察使。精天文緯候之學。黃巢入廣南。巨昭括部內諸蠻得數千人。親自選練。分屯險隘。巢寇憚之。不敢犯其境。以功加擢。軍節度使。開平初。高州劉昌魯率衆歸附。殷遣姚彥章。李瓊。率兵迎之。長驅而南。前鋒至容州。巨昭大享將士。而謂之曰。李瓊甲馬雖盛。乘席捲之勢。必來侵我。何策以禦之。裨將莫彥昭對曰。瓊軍遠來。士卒疲乏。請盡散儲糧。潛兵山谷。空城以待之。瓊至。當據吾城外無救。我以全師掩其不備。浹旬之間。瓊可擒也。巨昭曰。吾親楚氣甚銳。未易破也。不如以牛酒犒其軍。爾輩不失爲富家翁足矣。彥昭不從。巨昭殺之。迎勞瓊。瓊以軍徑赴城中。俄而廣南劉隱率衆來。我師不能守。於是靈蒙其府實。驅其人民以歸。巨昭聚其族數百口。隨歸長沙。殷久聞巨昭之名。遣使慰勞。即日奏授檢校太傅。領容管經略使。巨昭在嶺南。嘗占翼軫間有善星。因謂所親曰。劉隱兄弟不道。殘害良善。吾終當逃離於長沙。至是果歸附。貞明中卒。年七十六。劉昌魯傳。昌魯字安國。相州鄆縣人。唐末明經登第。楊項城主。據巢運至尚書郎。乾符中。出爲高州刺史。黃巢寇嶺南。鄆縣離析。昌魯使其居民據保障。以自守。一境獲安。就選防禦使。劉隱入廣州。遣其弟巖領兵攻高州。昌魯率勵丁壯逆戰於城外。大破賊軍。自以地小力寡。終慮爲隱所吞。開平初。乃致書於殷。曰。僕昔占籍鄆中。受恩唐室。

苻高三載，遇黃巢之亂，收合生齒，集於涼山，因深爲壑，憑高作壘，攻苦食淡，以勵士卒，洎盜賊不定，一境獨全，高涼之民，至今相戴，而中原多故，嶺南不賓，劉隱亂常，僭興師律，舉蠻貊之衆，成吞噬之心，僕常調勦甲兵，躬當矢石，掃蕩一戰，劉隱遁走，雖仗義者必勝，恃力者必亡，然而山越之人，瘡痍衆矣，殘民以騁，所不忍爲，昔古公去豳，寶融歸漢，千古之下，迭爲推美，僕雖願愚，景慕前烈，竊惟明公，負江湖之固，有桓文之業，土宇至廣，仁風素厚，願以所部歸款於執事，謹刺血染翰，上達誠悃，惟明公圖之，股覽審甚，即遣指揮使張球率兵迎之，昌魯盡盡其帑庫及士卒千餘人歸於湖南，授永順節度副使，兼行軍司馬，天成中卒，（考異）開修按湖湘故事，九國志與通鑑略同，惟湖湘故事巨曠先歸款於楚，九國志作開平初事，且云劉隱率衆攻容州，楚師不能守，爲少異耳，今附載之，唐書劉建鋒傳，馬殷攻容管，執巨曠，歐史云，龔殺昌魯等，更置刺史，與諸書皆不合。

乾化元年

五月朔 改元

三月，隱病急，表其弟節度副使巖權知留後，丁亥薨。

通鑑（考異）

九國志云：三月丁亥薨，與通鑑合。薛史梁太祖紀：五代會要，尹洙五代春秋，俱作乾化元年五月，據開赴之日也。薛史劉陟傳云：開平四年三月卒，與本紀自相矛盾，府元龜從之，誤矣。錢儼吳越備史云：是冬，廣帥劉彛沮亦隕。年三十八。歐史南漢世家。

九國志同。赴開。梁帝輟朝三日。百官詣閣門奉慰。薛史梁太祖紀。閩遣使來致祭。黃滔御史集。（附錄）祭文曰：惟靈五百，靈五嶺之殷，有出將入相之盛，是故地啓嘉數，天生大賢，潛六韜三略之才，謀擅五袴二天之政術，俾其於家受詔，衣錦闕牙，控二十四州之繁難，當二十八齒之美茂，光揚千古，冠絕一時，鍾其明靈，其昭昭矣。至若恢張霸業，揚敷濟波，齊陟九層，斷郭陶劍，提三尺，授自呂度，爰待副貳之雄姿，遂領節旄之重寄，縣是澤施甘露，令肅秋霜，撤文房武庫，以連雲，騰逸氣英風，而偃草，上榻則阮瑀，下賢則左車，從善則式閔，宣威則斷案，故得越伏波之銅柱，獻款而來，感郭公之鐘，鞭呈祥以見，火山改色，珠浦生光，無煩虛獻之酌，泉大部趨，佗之累土，然後鳴鐘出入，調鼎升聞，致交趾之封疆，歸石門之教化，九遷濯澤，克居浴鳳之池，雙立節旄，遠過跼露之水，雖士節列弟兄三

地，山簡兼荆湘，四州語未同年，事推曠世，嗚呼！是何才德之若彼，功業之如此，而彼寫者，天不齊其齒，華雲龍之契會，與鷓鴣而等倫，矧

天子方欲使降皇華，恩賞金冊，表裏東周之盛，旌崇南越之隆，胡二豎之極致，竟三黔之莫救，泰山頽壞，俄與孔氏之歎，漢水淒涼，遽罷羊公之市，實國家之不幸，實藩鎮之不幸，審知早塵輿國，旋奈陸鄰，遊瓊樹之未親，若銅盤之已接，方定金關之至分，豈期幽顯之驟殊，况以幸結良姻，累交專介，幕下預員，外昨馳禮幣，常詣門騎，爰蒙執手之懷，宏毅親仁之旨，今則遽恐存沒，益嘆彭殤，故將薦舉，征塵射申薄窺，九泉注望，於歎通以雞勝，五月指期，表同盟之必至，嗚呼哀哉，驍馳羔雁，今遺蘋蘩，伊人事之有茲，願痛傷而何極，然則荀龍賈虎，大馮小馮，雖嗟松髓之長歸，終慶荆枝而繼茂，永言歡好，密意初終，幸明靈之一臨，鑒此丹赤，嗚呼哀哉，（考異）關修按右見黃滔文集，較十國春秋所載多鍾其明靈，共昭昭矣，華靈龍之契會，與鶴龜而等倫，二十字，諡曰襄，乾亨元年。

追尊曰襄皇帝，廟號烈宗，陵曰德陵。九國志 隱父子起封州，遭世多故，數有功於嶺南，遂有南海，隱復好賢

士，是時天下已亂，中朝人士，以嶺外最遠，可以避地，多遊焉，唐世名臣謫死南方者，往往有子孫，或當時

仕宦遭亂不得還者，皆客嶺表，王定保、倪曙、劉濬、李殷衡、（考異）原作李衡，關修按唐書宰相世系表、通鑑，並作李殷衡，歐史去上一字，避宋官祖諱也，今改從本書通例。周

傑、楊洞潛、趙光裔之徒。（考異）原作趙光庸，關修按趙隱、京兆奉天人，于光達、光裔、光胤、皆第進士，舊唐書趙隱傳，光裔、光啓三年，進士擢第，乾寧中，累遷司勳郎中，宏文館學士，改膳部郎中，知制誥，光胤大順二年，進士登第，天祐

初，累官至禮部郎中，入梁，歷顯位，中興用為宰輔，通鑑云：梁開平二年十二月，以劉隱為清海、靜海、節度使，以膳部郎中趙光裔充宣告使，又後唐同光元年十一月，以趙光胤為中書侍郎同平章事，與舊唐書合，薛史南部新書以相後唐為光裔，歐史以使嶺南為光胤，並誤也，今改正。 隱皆招禮之，定保、容管巡官。（附錄）（陳振孫書錄解題）據晉十五卷，唐王定保撰，專記曙、唐太學博士，（附錄）進士科名事，定保光化三年進士為吳融，子華，墜亂入湖南。

〔十國春秋倪譯傳〕譯字孟蟾。福州侯官人。唐中和時及第。有賦名。官太學博士。黃巢之亂。避歸故鄉。會閩王從子延彬刺泉州。雅好賓客。曙與徐寅、陳鄭等賦詩飲酒爲樂。未幾避嶺表。烈宗招禮之。辟置幕中。〔附錄〕唐書〔十國春

秋劉潛傳〕潛字伯深。其先譜州阬人也。父崇望。相唐昭宗。世父崇龜。大順時出爲清海軍節度使。潛從崇龜流寓廣州。因占籍焉。烈宗據番禺。辟居幕府。議論多所商定。以避亂至。殷衡、德裕之孫。〔附錄〕唐書宰相世系表續

裕生燁。燁生殷衡。唐右補闕。以奉使至。皆辟置幕府。待以賓客。傑、善星、麻、唐司農少卿。因避亂至。隱數間。以災變。

傑恥以星術事人。常稱疾不起。隱亦客之。洞潛初爲邕管巡官。秩滿客南海。隱常師事之。後以爲節度副

使。及巖僭號。爲陳吉凶禮法。爲國制度。略有次序。皆用此數人焉。〔歐史〕南漢世家。

